



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||  
Jesv Theologi.|| De || Christiani hominis || Perfectione In  
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipué desumpta

In Qvo Agitvr Nominatim De Sacerdotibus, Confessarijs, Magistris siue  
Doctoribus, Concionatoribus, Episcopis & alijs Prælatiſ, eorumque  
Ministerijs - In ſeptem Tractatus distributus ...

**Puente, Luis de la**

**Coloniæ Agrippinæ, 1629**

VI. Consideratio pro Feria VI.

[urn:nbn:de:hbz:466:1-45750](https://nbn-resolving.org/urn:nbn:de:hbz:466:1-45750)

meo; credis quoque incarnationem, Passionem, & mortem meam, eiusque fructus. Excita igitur fidem tuam, excipe me magna fide: & ipsa experientia agnosces veritatem Fidei. Sum etiam veritas infallibilis, quae fallere neminem possum, nec praetermittere, quod promitto; in cuius rei pignus me ipsum colloco in hoc Sacramento, & sacrificio. Confidas in me, & nihil timeas: recipias me, & offer hanc oblationem: & certus esto, me facturum, quod dico; & redditurum, quod promitto. Sum denique veritas, cui conformari debent quicumque viuunt in veritate, sine fraude & fictione. Conformata & coapta opera tua meis; & non aberrabis in eis.

ATTENDE etiam, quod sum ipsamet VITA, sine qua quicquid est, mors est. Sum via spiritualis animae tuae; & ad hoc venio in Sacramento, ut qui me recipit, vitam habeat gratiae, & vitam valde copiosam; sum vita corporis tui: quia ego sum resurrectio & vita. Et quamuis moriaris, resuscitabo te postea valde gloriosum; sum vita beata: & qui manducat me, viuet in aeternum; quia habet in se vitam aeternam: cum me habet, qui eam tuo tempore ei dabo, deducens eum ad correptandum mihi in regno Patris mei. Attende, quod ego sum vita, per quam tibi est viuendum; cui debes te conformare, & quam sequi oportet, dicendo cum Apostolo meo: *Uino iam non ego: viuit vero in me Christus*. Denique, ego sum vita, quam omni studio quaerere debes in praemium omnium tuorum laborum. Nam aeterna tua vita in eo consistit, ut me videas, & ames, & fruaris me. Recipe me cum viva fide: si enim ita me habes intra te, esque mecum vnitus: ego ero tibi *via, veritas & vita*. O bone Iesu, cum hoc desiderio accedo, ut te recipiam: esto quaezo mihi *via*, ut nunquam impingam; esto mihi *veritas*, ne vnquam aberrem; esto mihi *vita*, ne vnquam moriar; sed tecum viuam ac regnem in aeternum, Amen.

## VI. Consideratio pro Feria VI.

QVAMDIU SUM in hoc mundo lux sum mundi. Hoc dicit Saluator dum caeco illi a natiuitate voluit visum restituere, quod fecit, *exprensus in terram, & faciens lutum ex sputo, & liniens lutum super oculos eius*. Quo facto (ut ait S. Augustinus) significare voluit vnionem Personae Verbi diuini, significati per sputum ex ore procedens; cum natura humana, significata per terram, ex qua est formata. In cuius vnitionis virtute datur lux spiritualis caecis: ac propterea Christus Dominus noster dicitur *lux mundi*: & idem officium praestat in hoc Sacramento, in quo ipsummet Verbum Incarnatum coniungitur cum accidentibus terrena substantiae ut lucem conferat ipsum recipientibus. Tu autem anima mea, fidei oculis, quos hic Dominus tibi dedit, iustra omnia loca, in quibus ipse fuit, vel est; & inuenies semper fuisse, & esse lucem eorum. Quando factus est homo in mundo, coepit esse lux mundi; in cuius signum, cum natus esset in Bethle-

Galat. 2.  
10.Ioan. 9. 1.  
Et c. 8. 12.

b Luc. 2. 9.  
c Mat. 27.  
45.

hem, b *claritas Dei circumfulsit Pastores*. Et toto suæ prædicationis tempore hoc officium præstitit, donec in cruce expirauit: & tunc e tenebris factus sunt super uniuersam terram, a sexta hora usque ad nonam: in signum, quod abcessisset Magister, qui Sol erat, & lux mundi. Postea descendit in limbum, locum profundissimum & obscurissimum: in quo quamdiu facta lux fuit limbi, illuminans inferiores illas partes terræ, & eas conuertens in Paradisum; communicans animabus illis claram Diuinæ essentia: uisionem. Ipso autem inde exeunte, mansit limbus in perpetuis tenebris, in nocte. Postea ascendit in cælum Empyreum: ubi etiam fungitur officio Solis, illustrans omnes beatos. De illa enim cœlesti Ierusalem ait S. Iohannes: quod d *Ciuitas non eget Sole neque Luna, ut luceant in ea. Nam claritas Dei illuminat eam, & lucerna eius est Agnus. Qui, quamdiu est in cœlo, lux cœli; & quia nunquam desinet esse ibi, ideo nec illuminare desinet, neque ibi poterit esse unquam nox.*

d Apoc. 21.  
23.

2 Sed quid faciemus in mundo, o Agnus Dei, si semper in cœlo maneat, nec ad nos redeas? Redi igitur Domine in mundum, ut sis lux in eo uenturum: sine te enim ubique sunt tenebræ. O Diuinæ charitatis cellarum: cuius immensa sapientia inuenire nouit modum, quo ille ipse Sol, qui superiorem illuminat mundum, non discedens inde, ueniat cotidie ad mundum hunc inferiorem tectus uelo Sacramentum: inde lucem emittat, quamuis non nihil obscuram; & quod amplius est, ita tectus ingrediatur viscera communicantis, quasi in quendam limbum, quem luce sua conuertat in Paradisum. Veni Domine, ueni ad uisitandam hanc animam, quæ habitat in tenebris, e *in regione umbrae mortis*. Oriatur in ea lux tua, & Sol iste appareat ei: nam quamuis hac nube tectus ueniat, per eam emittet radios, qui sufficiant ad eam illustrandam, & accendendam, & conuertendam in cælum, propter æterni Regis præsentiam.

e Isai. 9. 2.

3 Denique considera effectus, quos Diuinus hic sol luce sua efficit in anima, replens illam Diuinarum inspirationem splendoribus, quibus Fidei lumine amplius illustratur; gratiæ splendor augetur; charitatis ignis accenditur; & uirtutum omnium affectus extimulantur; cor læticia repletur: & causa est, cur potentiæ suæ munia exerceant, sicut qui in die cum decet & honestate ambulat, horrens opera tenebrarum. Accede igitur, anima mea, ad Deum tuum: ut eius præsentia illustreris: exurge à somno, quo tenebris, ut Christus luce sua te illuminet.

VII. Consideratio pro die Sabbati.

a Mat. 1. 56.

**E**CCE SPONSUS VENIT, exite obviam ei. Si vis, anima mea, plene exequi, quod hæc vox tibi dicit: attende diligenter quis sit sponsus qui uenit, & quæ illa sponsa, quam accipiet, in quo eius sponsalia consistant, & quænam bona ex ijs resultent. Quem existimas esse sponsum